



南安府志補正卷之三

典祀

壇壝祠廟 已見廟學門者概不重列

大庾

先農壇在水南城西南南壇左雍正間奉文建廟祀先農神并以八蜡祔壇右爲藉田官耕收藏以供歲祀

文昌閣即水南城文昌門城樓久廢同治十一年知府楊錚率邑紳傅成美等重建

接龍閣在水南城西北城垣上舊祀關聖帝君久廢同

治十一年知府楊錚率邑紳傅成美等重建改塑魁星

像

火神廟在縣城隍廟左同治十二年知縣陳蔭昌捐脩

劉猛將軍廟在縣城隍廟左同治十二年知縣陳蔭昌捐脩

了山靈潭龍王廟在治東北二十里同治十年知縣陳蔭昌率邑紳王聿觀劉國揚藍洪照謝有勲王官召等勸捐建造

昭忠無專祠凡殉難陣亡文武官員紳民義勇俱附祀府學忠義孝弟祠及都城隍廟縣城隍廟各處

敦善堂在試院左道光二十四年知府郎昫率紳民等重脩府學以餘貲創建凡捐輸銀數多者入主

店房歲收租稅爲香火之費咸豐八年燬於兵燹改建
王文成公祠諸栗主暫附堂後

南康

先農壇在城西三官殿前雍正三年知縣金有福建置藉
田乾隆三年知縣鄧蘭捐脩又捐建更衣亭於殿右

雩壇附先農壇

文昌廟在學宮左舊南埜驛地康熙六十一年知縣李煥
倡捐建造知縣林松年金有福相繼經營越雍正三年
工始竣前後屋二楹十一年水壞神像邑士王永選林
作樑集貲脩復闢之左濱河防水患後築石累隄上爲

側屋三間乾隆十三年知縣鄧蘭脩葺嘉慶十六年邑紳賴相棟等集費重修並於廟左建文昌先代祠同治五年賓興館董脩遵改木主移奉前殿並移祀文昌先代於後殿

關帝廟於嘉慶十六年邑紳賴相棟集貲脩葺同治八年賓興館董脩又關帝閣於乾隆時相安巡檢王豐伯馬炯相繼脩葺

城隍廟於康熙四十四年知縣申毓來脩同治六年知縣沈書勸捐重修

奎閣舊名魁星閣原在儒學門左明萬厯丙辰洪水衝決

天啟間知縣陳瑾改建七星壩後遭兵燬

國朝康熙五十六年知縣李煥倡捐重建易今名今圯

萬壽宮在縣東大街咸豐九年知縣周汝筠創建

旗纛廟在縣治前南街

水府廟在南關外

龍王廟在潭口河岸距縣治四十里舊九牛水驛廢址康

熙四十三年知縣高尙瑛因禱雨靈應欲倡捐建未果
解任去四十四年巡檢劉維栗建

大節祠在學宮東祀明叅政蔡運

明郡侯吳公祠在西門外

郡司馬盧公感德祠在西門外

理刑崔公祠在東門外

昭忠祠在典史署右原係闔邑公置義倉咸豐八年知縣周汝筠於第二重堂屋安設龕位祀陣亡紳勇邱炳春劉泰成等三千三百二十三人祭以春秋二仲

上猶

社稷壇原在治西一里乾隆八年知縣周肇岐改建於北門外

山川壇原在治西一里乾隆八年知縣周肇岐遷於教場東南

先農壇在城外東南隅雍正四年知縣彭起渭奉文建祠
祠前兩傍有耳房大門外壇高三尺方廣一丈二尺道
光二十九年知縣岑蓮乙脩葺

邑厲壇於乾隆四十三年邑貢生鍾馥芳捐建壇宇

文昌祠在縣治左明天啟丁卯知縣陳鍾英建

國朝康熙三十四年知縣章振萼捐租田二十石供香火費
火神廟在縣西乾隆五十一年邑人張行仰等倡建五十
四年邑人吳君相等捐建前棟并戲臺

萬壽宮在營前太傅墟

靈澤廟在營前城西南三十里平富隘之白花灘乾隆十

四年旱巡檢張仕往禱甘霖立沛邑人蔡志掄等捐脩廟宇知縣李珥題額曰靈澤

王文成公祠於雍正十年知縣李鴻翔遷建城隍廟後乾隆二十年知縣林英麟勸捐重脩年久傾圯五十四年知縣黃宗祝復勸邑紳捐脩又遭洪水冲塌道光二十一年訓導胡定俊捐俸移建 崇聖祠左側

廖公祠在城東南隅祀唐時顯聖禦寇廖公厯代崇祀

國朝順治康熙乾隆時屢因寇警示異庇佑祠宇迭經邑人捐脩添建咸豐間髮逆圍陷城池又沐神護邑紳劉光澍等稟縣詳請加封巡撫覺羅耆公撰功昭護佑匾式

發縣刻懸

德政祠二一在治東大街陳屋巷祀知縣陳鍾英一在東城外祀知縣羅茂義今俱圯

懷教祠在寶乘寺東明萬厯時遷於儒學敬一亭之後東偏祀教諭虞鉉今圯

昭忠祠在城隍廟左同治七年知縣邱文光率邑紳捐建祀厯年軍務陣亡殉難官紳兵勇

甘烈婦祠在治東二里妹資潭祀宋何用妻烈婦甘氏名妹資今圯

崇義

社稷壇於同治三年知縣汪寶樹移建東門外

先農壇在南門外油寮前道光十八年知縣錢伯壩重修
咸豐六年寇燬十一年邑人重修

鄉厲壇二一在城南西隅一在城南營中

文昌閣即文昌門城樓乾隆二十三年知縣范泰恒脩祀
文昌於上道光二十六年邑人謝有委兄弟重修同治
三年知縣汪寶樹別建文昌宮於儒學內遂改閣爲仰
止亭又聶都亦有文昌閣道光九年里人脩

武廟在北門外教場與縣治並建迭次脩葺同治元年知
縣郭宸復率紳民重修

城隍廟咸豐六年燬於兵燹同治二年知縣汪寶樹率紳民重修並於頭門內左建忠勇祠祀陣亡及被害紳民右建節烈祠祀被害婦女

魁星閣在縣治東街明萬厯二十七年知縣陸夢祖建未幾謝篆知縣于可成劉汝芳繼成之凡三層更於前建大龍書院邑人作三賢祠祀陸于劉三人後祠廢閣亦傾圯乾隆二十六年知縣范泰恒因舊基重建道光十八年知縣李烈文改建十九年知縣錢伯璵率紳士續脩

龍王廟在城隍廟左明嘉靖時知縣劉汝芳因禱雨有應

建久廢

國朝乾隆三十六年知縣周天奇重建同治元年知縣郭宸率紳士重脩又尙德里木砦亦有龍王廟

萬壽宮在北門外河口久廢咸豐三年邑紳倡捐重脩同治九年邑人於廟前創建戲臺又上保白規坑罕坑橋尙德里旗山口揚眉寺俱有萬壽宮

旗燾祠在譙樓下東邊巷內

王文成公祠順治時被寇拆毀止存公像康熙十二年大庾縣知縣胡灌畧縣事捐俸率邑紳重建乾隆嘉慶道光時知縣范泰恒羅洪鈺王修地典史王紹宗先後興

脩每歲春秋二祭外九月晦日一祭公誕辰也

賢侯祠在縣治西南隅祀明知縣劉鏞林際春

國朝知縣梁爾壽張爲煥沈世杓久廢

清風堂在縣治南門外觀音山下祀明知縣林大佐曾南

阜久廢

水利

大庠

備載黃志

南康

備載黃志

上猶

童子里陂曰東穎古

發源淡竹灌竹園渡溪二村田十頃

牛田里陂曰紫門曰蔭堰

共一水源

曰穩庄曰銅盆

共一水源灌石富堰

螃螬龍茄

曰童家

灌長龍寨以下田

曰五里圳曰担背圳

連上共陂

裏等田

七所自高嶺下發源俱流至水广下琴龍河口合大江灌田十頃五十畝零

崇義

忠義里之穩下周圍十餘里向無陂澤歲多歉收惟宜早

穀隆平里之揚眉寺河干山水暴漲間輒齧隄其他陂

圳多失故道

津梁

道路附

大庾

橫浦橋同治十一年知府楊錚重修

嗣於十二年夏又遭

大水冲塌橋面店房橋身亦被冲
損知府楊錫籌款脩
整

雲梯橋在厚斗牌同治九年邑紳周凌雲捐建又捐脩雷
公塘以下大路四十餘丈並建無名小橋

宜男橋在羅石同治九年福建監生馬慶雲捐脩并捐脩
三角嶺大路十餘丈

梅嶺路自唐開元間張文獻鑿開久成衝坦明成化時知
府張弼砌而砥之

國朝道光三十年知府汪報閏重脩

南康

藍田渡橋在縣東門外乾隆時李盛祿建

護龍橋在縣東十五里跨秀水道光二十年邑人張大藻募眾捐建並置租田後圯於水移建上流半里許

王村橋在縣東二十五里跨溫水

清田橋在縣東二十五里跨溫水

上元橋在縣東三十里跨羅壠嶂水

鞏橋在縣東四十里地名九牛驛砌石高丈濶如之中闢二洞跨田頭溪水下流

雙板橋在縣東四十里跨鞏橋上流水

昭忠橋在縣東十五里跨秀水咸豐八年邑紳張大芳捐